



**KENYATAAN MEDIA
JABATAN KESELAMATAN DAN KESIHATAN PEKERJAAN KEDAH**

**INSIDEN KEMALANGAN MAUT MELIBATKAN PEKERJA KILANG KAYU
DIHEMPAP LONGGOKAN KAYU**

Kulim, 5 Julai – Satu kemalangan melibatkan seorang pekerja kilang kayu maut dihempap longgokan kayu berlaku pada 28 Jun 2018, jam lebih kurang 9.30 pagi. Kemalangan berlaku ketika mangsa sedang bekerja memindahkan kayu bersama penyeliaanya. Dalam kejadian tersebut, mangsa telah dihempap longgokan kayu semasa mengambil tapak penahan di bawah longgokan kayu yang diangkat dan dipindahkan menggunakan *forklift*. Kes kemalangan maut tersebut dilaporkan kepada Jabatan Keselamatan dan Kesihatan Pekerjaan (JKKP) Kedah pada 3 Julai 2018 jam 2.35 petang.

Sehubungan dengan itu, sepasukan pegawai dari JKKP Kedah telah menjalankan siasatan pada 4 Julai 2018 dan mengeluarkan notis pemberhentian kerja serta merta ke atas aktiviti menyusun dan memindahkan susunan longgokan kayu. Tindakan perundangan akan diambil sekiranya didapati terdapat pelanggaran di bawah Akta Keselamatan dan Kesihatan Pekerjaan 1994 dan Akta Kilang dan Jentera 1967 ke atas pihak yang bertanggungjawab.

JKKP memandang serius terhadap insiden dan kemalangan yang berlaku terutamanya melibatkan pekerja mahupun orang awam. Adalah menjadi tanggungjawab majikan dan juga pekerja untuk memastikan keselamatan dan kesihatan di tempat kerja.

###

Dikeluarkan oleh:

Jabatan Keselamatan dan Kesihatan Pekerjaan Kedah

05 Julai 2018